

什邡縣志卷三

建置沿革志

什邡古蜀徼近冉駝地史記自邛笮以東北君長以

什數冉駝為大

冉駝地漢武
改汶山郡

漢書高帝六年分置

廣漢郡統縣十二有廣漢

莽曰
廣信

什邡

莽曰
美信

雒章

水蜀漢章武二年分廣漢置梓潼郡什邡隸梓潼

廣漢郡統廣漢德陽五城三縣晉書泰始二年置

新都郡領四縣雒什邡隸焉元康六年九月罷新

都郡改縣為南陽郡尋廢永嘉以後沿革不一有

■什
■邡
■縣
■志

卷三

建置沿革一

南北陰平金山白水等郡名北周孝閔帝改縣曰

方亭武帝天和間并入雒縣隋書開皇三年廢廣

漢改屬蜀郡十八年改曰綿竹大業三年仍復名

雒唐書武德二年析雒復置什邡縣武德三年又

析雒復置德陽縣均屬益州垂拱三年析益州置

縣五雒什綿德金堂隸漢州德陽郡宋書漢州德

陽郡領縣四雒什綿德元史中統元年廢雒縣置

漢州領三縣什綿德明史明玉珍據蜀復以州治

立雒縣明制漢州隸成都府仍統什綿德三縣洪

武十年省什邡入綿竹十三年仍置什邡縣

國朝因之康熙二十六年省屬漢州直隸成都府舊志

附考依史志原本

什邡古蜀地蜀之為國肇自人皇史記索隱曰蜀

西南夷舊有君長謂黃帝子昌意娶蜀山氏女也

夏商因之武王牧野之會蜀與焉號蠶叢氏

周襄王元年蠶叢氏稱王治瞿上今雙流縣次柏灌

次魚鳧治導江

杜宇氏繼之七國稱王宇遂稱帝治郫號曰望帝會

■什邡縣志

卷三

建置沿革二

水災蜀其臣鼈靈楚人治之宇遂讓位靈號叢帝揚雄

蜀本紀云治廣都樊鄉

開明氏鼈靈九世孫開明尙立驅冉駹服邛笮徙治

成都去帝號稱王周顯王時遂盡有褒漢之地

慎靚王五年巴蜀相攻華陽國志蜀王封其弟於漢

與蜀為讐王怒伐苴告急於秦秦遣張儀司馬錯

伐蜀滅之開明氏遂亡見外紀

秦得蜀封子通為蜀侯始皇二十六年罷侯置守列

為蜀郡置雒縣因有汁邡之名

西漢高祖置廣漢郡六年庚子封雍齒爲汁方侯

謹按史記畱侯世家封雍齒爲什方侯作什方

高祖功臣年表作汁郝如淳曰汁音十郝音方

漢書張良傳作什郝功臣表作汁防師古曰汁

音十防音方

武帝元朔二年甲寅春正月詔諸侯王得分國邑封

子弟於是封雍侯庶子於王子城寰宇記城在九隴縣元鼎

五年秋九月侯桓以酎金故免

宣帝元康四年己未求高祖功臣子孫失侯者賜雍

■什
■郝
■縣
■志

卷三

建置沿革三

侯元孫長安金復其家

淮陽王更始元年癸未秋七月公孫述扶風人守臨邛

時赤眉賊亂述假稱輔漢將軍明年自立爲蜀王

國號成改元龍興

東漢光武建武十二年丙申春正月帝遣吳漢由魚

涪津進拔廣都今雙縣臧宮拔綿竹述敗死叛據十

四年縣悉仍舊

靈帝中平五年戊辰三月以劉焉爲益州牧六月州

從事賈龍迎焉徙治綿竹遂徙雒縣於什德之間

獻帝興平元年甲戌十二月綿竹城災焉徙治成都
卒子璋襲稱益州牧

建安十八年癸巳先主破涪圍雒十九年甲午雒縣
潰先主進圍成都五月璋降二傳共二十四年縣
仍舊制

後漢昭烈入成都領益州牧建安二十五年庚子冬
十月獻帝禪位於魏王曹丕改元黃初明年辛丑
四月漢中王即帝位於武擔之南改元章武三年
癸卯夏四月先帝崩於永安宮今夔州府學五月太子

■什
■邠
■縣
■志
■

卷三

建置沿革四

禪即位

後主景耀六年癸未改元炎興冬十月鄧艾入蜀破
諸葛瞻於綿竹帝出降明年甲申魏改元咸熙十
二月元帝禪位於晉王司馬炎

晉武帝泰始元年乙酉春正月受魏禪元康六年改
縣爲南陽郡尋廢

惠帝永寧元年辛酉春正月刺史趙廞巴西人斬牙將

李庠庠弟特流等叛屯綿竹廞遣長史費遠屯兵
於石亭以拒之今有石舖亭二月李特攻破石亭軍廞

走死明年二月益州刺史羅尙擊特斬之衆推特之子雄爲牧光興元年丙寅六月雄據成都稱帝改元晏平國號成五傳而李勢立

東晉穆帝永和三年丁未桓溫伐蜀三月李勢降共竊據四十六年縣仍晉制

泰定帝元熙二年庚申禪位於劉裕國號宋爲南北朝歷齊至梁縣併仍晉制

梁簡文帝大寶二年辛未八月侯景廢帝立豫章王棟明年壬申十一月梁湘東王卽位於江陵改元

■什
■邠
■縣
■志

卷三

建置沿革五

承聖癸酉二月西魏宇文泰遣尉遲迴伐蜀八月取之蜀入於西魏縣併仍舊

魏恭帝三年丙子十二月禪位於宇文覺泰之子國號

周蜀隸於北周孝閔帝改縣爲方亭武帝天和間併入雒縣移治廣漢

隋文帝開皇三年癸卯廢廣漢郡單治雒縣隸於蜀郡

唐高祖武德二年己卯析雒復置什邠縣邠一作邠屬益州武后垂拱二年改屬漢州隸成都路

昭宗大順二年辛亥十月以王建爲西川節度使建
遂建立行臺承制拜封

後梁太祖開平元年丁卯九月王建稱帝國號大蜀
辛未改元永平二年壬申什邡獲銅碑建更子名
元膺改縣曰通計戊寅改元光天六月建殂子衍
襲己卯改元乾德縣仍復舊

後唐莊宗同光三年乙酉冬十月帝遣郭崇韜副魏
王繼岌伐蜀十月衍出降凡二傳叛據三十五年
十二月以董璋鎮東川孟知祥形州龍岡人鎮西川

■什邡縣志

卷三

建置沿革六

明宗長興三年壬辰三月董璋襲西川克漢州知祥
將兵趨救敗之西川兵入漢州是夕知祥宿雒縣

注云州宅剽掠故宿雒

五月璋死祥并東川明年封蜀王

潞王清泰元年甲午正月知祥稱帝改元明德十一
月殂太子襲位更名昶戊戌改元廣政縣仍舊制
宋太祖乾德二年甲子十一月遣王全斌伐蜀三年
乙丑正月昶降凡二傳叛據共四十一年分成都
爲劍南路仍列什雒屬漢州

南宋理宗寶佑六年戊午元憲宗八年二月四川制置使

蒲擇之與元將鈕璘戰敗成都入於元遂廢雒縣
置什邡屬州隸府

元順帝至正二十二年壬寅賊將明玉珍隨州人據重

慶稱隴蜀王二十三年癸卯正月稱帝國號夏改

元天統丙午三月玉珍卒子昇襲始十歲改元開

熙以上詳諸史

明太祖洪武三年庚戌十二月遣湯和等伐蜀四年

辛亥五月明昇降凡二傳竊據共九年洪武九年

丙辰分成都為川西道縣仍元制

■什邡縣志

卷三

建置沿革七

崇禎八年乙亥流氛四熾正月諸賊大會於滎陽共

十三家七十二營時賊寇李自成米脂人猶屬偏裨

十年丁丑冬十月李自成犯蜀自梓潼分三路一

走潼川一趨綿州一入江油分陷兩川諸州縣明紀

年編

崇禎十三年庚辰六月流寇張獻忠膚施人安柳樹明史延

自楚入蜀九月攻陷達州川西州縣多被劫掠後

與川將張令方國安戰敗走匿白羊山中已而復

出屯開縣張令戰死石柱女士司秦良玉亦敗遂

蹂躪東北西三川之地後復歸於襄陽

崇禎十七年甲申正月獻忠棄長沙領步騎數十萬

陷夔州遂入蜀是年三月闖賊李自成自山西攻

陷京師愍廟徇國明亡

見紀事本末

國朝順治元年甲申五月故明南京諸臣尊立福王改

元宏光命故大學士王應熊督川湖軍事兵力弱

不果行獻忠在蜀陷涪州屠重慶三月十五日攻

克成都蜀王闔宮被難忠遂僭號大西改元大順

冬十一月庚寅卽僞位詭開科取士至集青羊宮

■什邡縣志

卷三

建置沿革八

盡殺之筆墨成邱塚又殺各衛籍軍九十八萬人

見明史遣將分屠州縣明年乙酉七月十五日屠漢

州八月十五日屠什邡

耆舊傳

將卒以殺人多少論

功以右手驗故常百方釣誘設計屠戮遂致士民殆

盡野無烟火先是獻忠殺戮川民川南豪士曾英

李占春于大海王祥楊展李勲等團結義兵互起

殺賊故忠謀殺益毒

見明史

順治四年丁亥春正月嘉州楊展見賊屠川西慘毒

統義師泝江而上時賊以船載蜀金浮江而下遇

展於江口因傾以赴鬪展連戰皆克與賊相持見費

氏荒書 值

王師伐蜀展密遣人迎附 肅王表展掛平西將軍印

圖賊見漢州萬人塚碑 比賊見川民盡謀窺西安遂焚夷

成都率兵出川北又欲盡殺川兵偽將劉進忠故

統川兵聞之潛逃遂來奔乞為鄉導 肅王命裨

將雅布蘭與俱至鹽亭界大霧獻忠曉行猝遇我

兵於鳳凰坡中矢墜馬蒲伏積薪下我兵曳出斬

之川中自遭獻忠難列城內雜樹成拱狗食人肉

■什
■邠
■縣
■志

卷三

建置沿革九

若虎豹嚙人死輒棄去不盡食也民逃深山中草

衣木食久徧體生毛獻忠既誅餘賊尙據川西後

賊屢敗賊黨孫可望等潰入川南殺曾英李乾德

後降於永明王見明史

順治五年戊子李公國英來任巡撫討賊六年己丑

秋七月楊展為降將武大定袁韜等所害

順治七年庚寅展子璟新奉 命於川南轉運穀菽

分給牛種四面捕賊餘黨八年辛卯

王師掃清餘氛奠安蜀土明年壬辰開科取士補行辛卯科

縣仍明制

耆舊夙傳

康熙十三年癸丑冬逆藩吳三桂叛據雲南明年全蜀俱陷十九年庚申勇略將軍趙良棟統兵征討於正月二十四日入成都克復全川通志二十六年丁卯什邡省屬漢州直隸成都府

查二十六年邑民王相儒等赴憲屢訴屬州之累邑令胡之鴻詳懇乃直隸府雍正四年請設直隸州 上憲議以什邡隸綿州邑貢生周進爵楊允實等赴訴各憲邑令管臚傳通行詳懇

■什邡縣志

卷三

建置沿革十

得以仍舊

史志

九畿列於禹貢五服辨於周官重封守也什葛爾邑或附此或隸彼沿革變遷名隨代異降及明末流氛盤踞蜀西半壁慘變極矣今

聖天子德被遐荒中外賓服生聚教誨淪肌洽髓民生其間嬉遊浩蕩莫非太和之洋溢也和氣召祥天庥滋至侯封故國永慶社稷之靈長焉乾隆丁卯

知縣史進爵識

明以前文武官職增減無考

明設知縣一員主簿一員教諭一員訓導一員典

史一員駐防一員或以千戶所或百戶所皆以蜀府世職駐防

國朝設知縣一員主簿教諭一員訓導一員康熙初去

十年復設典史一員駐防一員初裁去以綿竹縣奉

總設外委把一員

醫學訓科雍正八年設陰陽學訓術雍正八年設僧會司

康熙四十年設道會司雍正八年設老農雍正三年設

■什
■郝
■縣
■志
■

卷三

建置沿革十一